



11. april 2022

UPA2022/92

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

**Aalisartunut qaleralinnik paggatassiilluni aalisarsinnaanermik akuersissuteqartunut angallatip annerpaaffissaanik piumasaqaat 9 miiterimut qaffanneqassappat, aalisartunut inuaqatigiinnullu sunniutissai pillugit Naalakkersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Misissuinermi inernerit kingusinnerpaamik UPA2023-imi inatsisartunut agguanneqassapput.**

(Siumup Inatsisartunut ilaasortaatitai)

**Tunngavilersuut:**

Umiatsiaararsortunut 6 miiteri tikillugu takissusilinnik angallateqartunut sulinermi atugassarititaasut sakkortuupilussuupput, timimullu nungullarnaqalutik. Imaanilu isumannaallisaanermut kinguussaaqqakkajuttarlutik.

Angallatit ullumikkut paggatassiilluni aalisartinneqartut, angallataat 9 miiteri tikillugu takissusilinnut nuunneqarsinnaappata, initaalinnillu aalisartoqarsinnaalerpat peqqissutsimut, sullivimmi avatangiisinut isumannaallisaanermullu aalisartunut iluaqutaalluinnassaaq.

Upernaakkut 2020-imi Naalakkersuisut umiatsiaarsarsortunut takissutsimut takinerpaaffiliinerup 9 miiterimut tallisinnaaneranut pitsaaqutit pitsaanngequqillu pillugit misissuineq saqqummiuppaat.<sup>1</sup> Nalunaarusiamilu Naalakkersuisut ima inerniliippit, ataatsimut isigalugu angallatit minnerpaaffissaat 6 meteritmit 9 meterimut allangortinnera sinerissap qanittuani aalisarnermi amerlanerungaartumik iluaquteqarnermk kinguneqassaaq.

Taamaattumik aningaasaqarnikkut kingunissaanik misissuisoqartariaqartoq isumaqarpunga. Taamaasilluni aalajangernermut tullermut ingerlaqqissinnaalissagatta, aalisartut umiatsiaararsortut sulinermanni atugarisaat pitsangorsarniarlugit, taamaasillutilu umiatsiaaraasa 9 miiteri tikillugu takissuseqaleraluartut paggatassiilluni aalisarnermiiginnarsinnaassallutik.

Oqallilluarisi.

**Pisortanut aningaasatigut allaffissornikkullu kingunerisassat:**

Aningaasaqarnikkut qulaajaanerit AC-tut atorfekartup ukumi ataatsimi sulineranit 500.000 kr. nalilimmit annertunerunngitsumik atuiffigineqarnissaa naatsorsuutigineqarpoq.

**Namminersorluni inuussutissarsiuteqarnermut aningaasatigut allaffissornikkullu kingunerisassat:**  
Soqanngilaq.

<sup>1</sup> Inuussutissarsiutigalugu aalisarnermi angallateeeqqanik kvoteqartussanik, ukiunilu 12-ini ikaarsaariarfekartillugit, takissuseq 9 meter aallaavigalugu minnerpaaffiliinissami pitsaaqutinik ajoqutinillu nassuaat



**Innuttaasunut aningaasatigut allaffissornikkullu kingunerisassat:**  
Soqanngilaq.